



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 278, Datë 25.09.2023

MBI

**MIRATIMIN E “KONTRATËS PËR SHIT- BLERJEN E ENERGJISË
ELEKTRIKE NDËRMJET SHOQËRISË SË PRODHIMIT TË ENERGJISË
ELEKTRIKE TË NGARKUAR ME DETYRIMIN E SHËRBIMIT PUBLIK, AKSIONET
E SË CILËS KONTROLLOHEN PLOTËSISHT OSE PJSËRISHT NGA SHTETI,
KESH SH.A. DHE FURNIZUESI I SHËRBIMIT UNIVERSAL (FSHU) SH.A.,
PËR FURNIZIMIN E KLIENTËVE QË FURNIZOHEN NGA FSHU SH.A. PËR
PERIUDHËN KOHORE 01.01.2023-31.12.2023**

Në zbatim të neneve 16, 20 gërma “h”, 47, 56, gërma “f”, si dhe 90 të ligjit nr. 43/2015 “Për sektorin e energjisë elektrike”, i ndryshuar; nenit 105, gërma “c” të ligjit nr. 44/2015 “Kodit të Procedurës Administrative të Republikës së Shqipërisë”; Pjesës I, nenit 5, pika 4 të Vendimit të Këshillit të Ministrave (VKM) nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së nr. 584, datë 08.10.2021 “Për shpalljen e gjendjes së emergjencës për furnizimin me energji elektrike”, të ndryshuar me VKM-në nr. 650, datë 10.10.2022 dhe me VKM-në nr. 449, datë 26.07.2023; “Rregullave të Tregut Shqiptar të Energjisë Elektrike (rregullat e ALPEX, përkufizimet, procedura e tregimit si dhe procedura e klerimit dhe shlyerjes)”, miratuar me vendimin e bordit të Entit Rregullator të Energjisë (ERE) nr. 347, datë 27.12.2022; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 25.09.2023, pasi shqyrtoi relacionin me nr. 1956/1 prot., datë 08.09.2023 “Mbi miratimin e kontratës tip për shit-blerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe furnizuesi i shërbimit universal (FSHU) sh.a., për furnizimin e klientëve që furnizohen nga FSHU sh.a.” dhe informacionin shtesë me nr. 1957/3 prot., datë 22.09.2023 “Mbi miratimin e kontratës tip për shit-blerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe furnizuesi i shërbimit universal (FSHU) sh.a., për furnizimin e klientëve që furnizohen nga FSHU sh.a. dhe Mbi miratimin e kontratës ndërmjet shoqërisë KESH sh.a. dhe shoqërisë FTL sh.a. për shitjen/blerjen/depozitimin/shkëmbimin e energjisë elektrike.”,

Konstatohet se:

- Shoqëritë KESH sh.a. dhe FSHU sh.a. me shkresën e protokolluar me tonën me nr. 1956 prot., datë 24.07.2023, dërguan në ERE kontratën TIP për shit - blerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, (KESH sh.a.) dhe Furnizuesi i Shërbimit Universal (FSHU) sh.a., për furnizimin e klientëve universalë për periudhën kohore 01.01.2023-31.12.23, mes shoqërisë KESH – FSHU me nr. 3165 prot., datë 26.06.2023 të KESH sh.a. dhe nr. 4924 prot., datë 26.06.2023 të FSHU sh.a.
- ERE në zbatim të neneve 6 dhe 12 të “Rregullores mbi procedurat e njoftimit dhe konsultimit publik të akteve të miratuara nga Enti Rregullator i Energjisë” të miratuar me vendimin e bordit të ERE-s nr. 162, datë 20.10.2020, me qëllim realizimin e procesit të konsultimit publik, më datë 25.07.2023, publikoi kontratën e sjellë për miratim në faqen zyrtare të internetit të saj për komente apo objeksione dhe në përfundim të afatit të pritjes së komenteve apo objeksioneve nga të tretët, nuk rezultoi të ketë të tilla.
- Kontrata “Për shit - blerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, (KESH sh.a.) dhe Furnizuesi i Shërbimit Universal (FSHU) sh.a., për furnizimin e klientëve universalë për periudhën kohore 01.01.2023-31.12.23” përbëhet nga 22 nene, 2 shtojca (**Shtojca 1:** programet e livrimit sipas neneve 4 dhe 5 të kësaj kontrate dhe **Shtojca 2:** sipas nenit 19 “Pëlqimet e nevojshme të zyrtarëve dhe punonjësve të palëve për regjistrimet telefonike”) dhe dy anekse (**Aneksi 1:** “Parashikimi i konsumit të kërkuar nga ana e FSHU dhe **Aneksi 2:** “Për rregullimet financiare të marrëdhënies së shitblerjes të energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesit të Shërbimit Universal (FSHU) sh.a. për periudhën kohore”).
- Në titullin e Aneksit 2 të Kontratës së dakordësuar midis palëve nuk është vendosur një afat, vlerësohet se sikurse shpjeguar në nenin 1, pika 1.1 se ky aneks është shtuar për të rregulluar marrëdhënien financiare të shitjes dhe blerjes së energjisë elektrike ndërmjet Palëve për plotësimin e kërkesës së Blerësit për energji për përmbushjen e detyrimit si Furnizues i Mundësisë së Fundit (FMF) për periudhën kohore 12.04.2023-31.12.2023 të plotësohet me këtë periudhë kohore edhe titulli i aneksit 2 “...për periudhën kohore **12.04.2023 - 31.12.2023**”, pasi sikurse jemi në dijeni më datë 12.04.2023 filloi operimi i Bursës Shqiptare të Energjisë (ALPEX sh.a.) e cila prej asaj date realizon operimin në tregun e ditës në avancë.
- Konstatohet se në kontratën e sjellë në ERE për miratim nuk referohen si bazë ligjore aktet e mëposhtme ligjore të cilat duhet të shtohen:
 - Vendimi i Këshillit të Ministrave nr. 584, datë 08.10.2021 “Për shpalljen e gjendjes së emergjencës për furnizimin me energji elektrike”, i ndryshuar me VKM-në nr. 650, datë 10.10.2022 dhe me VKM-në nr. 449, datë 26.07.2023;
 - Vendimi nr. 23, datë 25.03.2009 i bordit të ERE “Mbi rinovimin e licencave në aktivitetin e prodhimit dhe tregtimit të energjisë elektrike shoqërisë KESH sh.a.”, i ndryshuar;

- Vendimi nr. 215, datë 11.10.2018 i bordit të ERE-s “Mbi transferimin e licencës së furnizimit të energjisë elektrike me nr. 251, me seri P14FPP, miratuar me Vendimin e Bordit të ERE-s nr. 97, datë 27.10.2014, e vlefshme deri më datë 27.10.2019 dhe detyrimin të shërbimit universal të furnizimit të energjisë elektrike, të shoqërisë Operatori i Shpërndarjes së Energjisë Elektrike sh.a. (OSHEE SH.A.), miratuar me vendimin e bordit të ERE-s nr. 112, date 08.07.2016, tek shoqëria “Furnizuesi i Shërbimit Universal” sh.a., i ndryshuar;
- Vendimi nr. 164, datë 04.11.2019 i bordit të ERE-s “Mbi rinovimin e licencës së shoqërisë Furnizuesi i Shërbimit Universal sh.a. në veprimtarinë e furnizimit të energjisë elektrike”;
- Gjithashtu në Kontratën e sjellë për miratim në ERE janë shtuar këto akte ligjore:
 - Vendimi i Këshillit të Ministrave nr. 519, datë 13.07.2016 “Për miratimin e modelit të Tregut të Energjisë Elektrike”, i ndryshuar;
 - Vendimi i bordit të Entit Rregullator të Energjisë nr. 347, datë 27.12.2022 “Për miratimin e Rregullave të Tregut të Energjisë Elektrike (Rregullat e ALPEX, Përkufizimet, procedurat e tregtimit dhe e klerimit dhe e shlyerjes)”;
 - Urdhër nr. 50, datë 07.04.2023 i Ministrit përgjegjës për energjinë “Për një ndryshim me urdhërin nr. 28, datë 18.01.2021 “Për miratimin e udhërrëfyesit për hapjen e tregut dhe derregullimin e çmimit të energjisë elektrike”.

Lidhur me këto akte ligjore duke marrë parasysh që Bursa Shqiptare e Energjisë është në fillimet e operimit të saj (data e fillimit të operimit 12.04.2023) dhe likuiditeti i saj duhet të maturohet i vlerësojmë të drejta parashtrimet e palëve për t’ i shtuar në bazën ligjore të kontratës së sjellë për miratim në ERE.

- Shoqëritë KESH sh.a. dhe FSHU sh.a. nëpërmjet shkresës së përbashkët protokolluar me tonën me nr. 1956 prot., datë 24.07.2023, me lëndë: “Dërgohet kontrata e lidhur ndërmjet KESH sh.a. dhe FSHU sh.a., për vitin 2023”, kanë risjellë për miratim kontratën TIP për rregullimin e marrëdhënies së *“Shitblerjes së energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal, FSHU sh.a., për furnizimin e klientëve universalë **për periudhën kohore 01.01.2023-31.12.2023**”*

ERE me vendimin nr. 338, datë 21.12.2022 ka miratuar kontratën Tip **për rregullimin e marrëdhënies së “Shitblerjes së energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal, FSHU sh.a., për furnizimin e klientëve universalë **për periudhën kohore dd/mm/vvvv-dd/mm/vvvv.**”, pra pa përcaktuar një periudhë kohore.** Në zbatim të nenit 5, pikës 4 të VKM-së nr. 456/2022 dhe zgjatjes së periudhës së emergjencës në furnizimin me energji elektrike vlerësohet e drejtë vendosja e periudhës kohore për përcaktimin e efekteve juridike të kontratës së sjellë për miratim në ERE me nr. 1956 prot., datë 24.07.2023, të cilat përfundojnë më 31 dhjetor 2023 dhe pas përfundimit të kësaj periudhe, mbetet në fuqi kontrata e miratuar nga ERE me vendimin e bordit të ERE-s nr. 338/2022.

- Neni 1 i kontratës së sjellë në ERE nëpërmjet shkresës së përbashkët protokolluar me tonën

me nr. 1956 prot., datë 24.07.2023 ndër të tjera në pjesën e qëllimit i referohet periudhës *kohore 1 Janar - 31 Dhjetor*”, duke mos përcaktuar vitin respektiv.

Vlerësohet se bazuar në ligjin nr. 43/2015 “Për sektorin e elektrike” i ndryshuar, VKM-së nr. 584/ 2021 “Për shpalljen e gjendjes së emergjencës për furnizimin me energji elektrike”, e ndryshuar me VKM-në nr. 650, datë 10.10.2022 dhe me VKM-në nr. 449, datë 26.07.2023, VKM-në nr. 519/2016 “Për miratimin e modelit të Tregut të Energjisë Elektrike”, i ndryshuar, kur trajtohet periudha kohore 1 Janar 31 Dhjetor të shënohet dhe viti 2023, konkretisht: “*Kjo Kontratë (së bashku me Shtojcat apo anekset e saj) rregullon të gjithë marrëdhënien e shitjes dhe blerjes së energjisë elektrike ndërmjet Palëve për plotësimin e kërkesës së Blerësit për periudhën kohore 1 Janar - 31 Dhjetor 2023*”.

- Për sa i përket përcaktimit të çmimit të shitjes së energjisë elektrike (neni 2 i kontratës) bazuar në përcaktimet e nenit 5, pikës 4 të VKM-së nr. 456, datë 29.06.2022, ky çmim miratohet nga Asambleja e Aksionarëve të shoqërisë publike të prodhimit. Ky nen është riformuluar dhe vlerësohet se riformulimi i nenit 2 është i drejtë pasi përmban të gjithë komponentët e dakordësuar si sasia e kontraktuar e energjisë e destinuar për furnizim e shprehur sipas programeve mujore/javore/ditore/day ahead/intra day sipas parashikimeve të neneve 4 dhe 5 të kontratës së sjellë për miratim në ERE. Çmimi i shitjes së energjisë elektrike për vitin 2023 i cili është miratuar sipas Vendimit të Asamblesë së Përgjithshme të Shitësit nr. 10253/1 prot., datë 04.01.2023; si dhe energjinë për destinacion përdorimi furnizimin e Klientëve Universal të lidhur në rrjetin e shpërndarjes në nivelet e tensionit 6/10/20 KV, nën shërbimin e FMF që do të tregtohet mes palëve nëpërmjet Bursës Shqiptare të Energjisë. Nga ana e shoqërive, në kontratën e sjellë për miratim në ERE, protokolluar me tonën me nr. 1956 prot., datë 24.07.2023, janë reflektuar të dhënat për referencë të (Vendimi nr. 10253/1 prot., datë 04.01.2023) Vendimit të Asamblesë së Aksionarëve të shoqërisë së prodhimit.
- Në nenin 4 të Kontratës së sjellë për miratim në ERE, datë 24.07.2023, është shtuar pika 7 konkretisht: “*Blerësi i dërgon shitësit të dhënat lidhur me furnizimin e energjisë për FMF sipas parashikimeve të Aneksit II.*”
Në aneksin II të Kontratës së sjellë për miratim në ERE më datë 24.07.2023, palët kanë rënë dakord për sasinë e kontraktuar, vlerën e kompesimit dhe mënyrën e faturimit.
- Në nenin 5 të Kontratës së sjellë për miratim në ERE më datë 24.07.2023, është shtuar pika 2 konkretisht: “*Shitësi kompenzon blerësin për çmimin e energjisë elektrike sipas parashikimeve të Aneksit II të kësaj kontrate*”.
Në aneksin II neni 2, pika 2.4 evidenton vlerën e kompesimit e cila do të rezultojë si diferencë e çmimit të shitjes në ALPEX dhe çmimit të rregulluar të shitjes, në bazë ditore, për sasinë e qarkulluara të energjisë mes palëve. Palët do të rakordojnë mes tyre sipas shtojcës nr. 1, **pjesë e këtij Aneksi** (duhet të shkruhet pjesë e kësaj kontrate). Për sa rakorduar nga palët, ERE i vlerëson të drejta parashikimet në Aneksin 2 sipas cilësimeve dhe në parashtrimet e kontratës.
- Ka ndryshuar neni 9 i kontratës së sjellë për miratim në ERE më datë 24.07.2023 dhe duke qënë se palët kanë përdorur si referencë sistemin NOVITA për nominimet që realizohen me qëllim furnizimin e klientëve të shërbimit Universal, vlerësohet e nevojshme të zëvendësohet emërtimi i sistemit të nominimeve “NOVITA” me fjalët *sistemin e përdorur nga OST sh.a. për realizimin e nominimeve*. NOVITA është një sistem kompjuterik dhe nuk është subjekt i cili ka përgjegjësi ligjore. Vlerësohet që në nenin 9 pika 1 aty ku cilësohet

sistemi NOVITA konkretisht “...energja elektrike totale e nominuar në sistemin NOVITA...” të ndryshohet “...energja elektrike totale e nominuar në sistemin për nominime të OST sh.a...”.

Pasi përgjegjësitë ligjore i ka subjekti në rastin konkret OST sh.a. që operon me këtë sistem. Në këtë kuadër duhet të bëhen saktësimet përkatëse duke përdorur si referencë sistemin për nominime të OST sh.a.

- Ka ndryshuar neni 14 i kontratës së sjellë për miratim në ERE më datë 24.07.2023 dhe në këtë nen përdoret si referencë si më sipër sistemi i nominimeve NOVITA, vlerësojmë që të bëhen zëvendësimet përkatëse si në nenin 9 të kontratës, konkretisht në nenin 14 pika 1 aty ku cilësohet sistemi NOVITA “...Sasitë e energjisë e nominuar në sistemin NOVITA...” të ndryshohet “...Sasitë e energjisë të nominuara në sistemin për nominime të OST sh.a...”.
- Ky nen vlerësohet të ndryshohet për sa shpjeguar dhe në nenin 9.
- Ka ndryshuar neni 21, pika 2 ishte: “2. Palët kanë detyrimin të njoftojnë ERE lidhur me nënshkrimin e kësaj kontrate e cila hyn në fuqi pas miratimit nga Enti Rregullator i Energjisë.” dhe propozohet të bëhet: “2. Palët kanë detyrimin të njoftojnë ERE-n lidhur me nënshkrimin e kësaj kontrate.”
- Vlerësojmë se ky nen nuk duhet ndryshuar pasi formulimi në kontratën e miratuar nga ERE me vendimin nr. 338/2022 shpreh më qartë detyrimin e palëve në zbatim të nenit 5, pikës 4 të VKM-së nr. 456/2022.
- Në Aneksin nr. 1 të parashikimi i konsumit nga ana e FSHU vlerësohet të shtohet viti 2023 (si dhe tabela përkatëse).
- Në nenin 105, gërma “c” të “Kodit të Procedurave Administrative të Republikës së Shqipërisë” citohet se: c) *organi kompetent mund t’i japë fuqi prapavepruese aktit kur kjo lejohet nga ligji dhe është në favor të palëve të interesuara dhe nuk dëmton të drejtat e një pale të tretë, duke argumentuar se kjo është një marrëdhënie dypalëshe ndërmejt KESH sh.a. dhe FSHU sh.a. që duhet të rregullohet me kontratë në zbatim të nenit 5, pikës 4 të VKM-së nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike” dhe nuk dëmton palë të treta, vlerësohet që kontrata e sjellë për miratim në ERE me shkresën e protokolluar me tonën me 1956 prot., datë 24.07.2023 të miratohet nga ERE me ndryshimet e përcaktuara në konstatime për periudhën 01.01.2023-31.12.2023 dhe pas përfundimit të kësaj periudhe mbetet në fuqi kontrata e miratuar nga ERE me vendimin nr. 338/2022.*

Për gjithë sa më sipër, bordi i ERE-s,

Vendosi:

1. Miratimin e kontratës për shit - blerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, (KESH sh.a.) dhe Furnizuesi i Shërbimit Universal (FSHU) sh.a., për furnizimin e klientëve që furnizohen nga FSHU sh.a për periudhën kohore 1 janar - 31 dhjetor 2023”. (bashkëlidhur)

2. Ndryshimet në titullin e kontratës, në bazën ligjore, në nenet 1, 9 pika 1, 14 pika 1, 21 pika 2 dhe emërtimet e Aneksit nr. 1 dhe Aneksit 2 si dhe pika 2.4 e Aneksit 2 sipas konstatimeve në këtë vendim përfundojnë efektet juridike më 31 dhjetor 2023.

2.1 Në bazë ligjore të shtohen aktet e mëposhtme:

- Vendimi i Këshillit të Ministrave nr. 584, datë 08.10.2021 “Për shpalljen e gjendjes së emergjencës për furnizimin me energji elektrike”, i ndryshuar me VKM-në nr. 650, datë 10.10.2022 dhe me VKM-në nr. 449, datë 26.07.2023;
- Vendimi nr. 23, datë 25.03.2009 i bordit të ERE “Mbi rinovimin e licencave në aktivitetin e prodhimit dhe tregtimit të energjisë elektrike shoqërisë KESH sh.a.”, i ndryshuar;
- Vendimi nr. 215, datë 11.10.2018 i bordit të ERE-s “Mbi transferimin e licencës së furnizimit të energjisë elektrike me nr. 251, me seri P14FPP, miratuar me Vendimin e Bordit të ERE-s nr. 97, datë 27.10.2014, e vlefshme deri më datë 27.10.2019 dhe detyrimit të shërbimit universal të furnizimit të energjisë elektrike, të shoqërisë Operatori i Shpërndarjes së Energjisë Elektrike sh.a. (OSHEE SH.A.), miratuar me vendimin e bordit të ERE-s nr. 112, date 08.07.2016, tek shoqëria “Furnizuesi i Shërbimit Universal” sh.a., i ndryshuar;
- Vendimi nr. 164, datë 04.11.2019 i bordit të ERE-s “Mbi rinovimin e licencës së shoqërisë Furnizuesi i Shërbimit Universal sh.a. në veprimtarinë e furnizimit të energjisë elektrike”

2.2 Neni 1 i kontratës ndryshon dhe bëhet: *“Kjo Kontratë (së bashku me Shtojcat apo anekset e saj) rregullon të gjithë marrëdhënien e shitjes dhe blerjes së energjisë elektrike ndërmjet Palëve për plotësimin e kërkesës së Blerësit për periudhën kohore **1 Janar - 31 Dhjetor 2023**”*

2.3 Neni 9, pika 1 ndryshon dhe bëhet: *“Shitësi dhe Blerësi jo më vonë se data 10 e muajit do të rakordojnë sasi të energjisë elektrike që kanë shkuar për furnizimin e klientëve universalë, sasi e cila është energjia elektrike totale e nominuar në sistemin për nominime të OST sh.a dhe në Bursën Shqiptare të Energjisë ALPEX”*

2.4 Neni 14 pika 1, ndryshon dhe bëhet: *“...Sasi të energjisë e nominuara në sistemin për nominime të OST sh.a. do të faturohet me cmimin e përcaktuar për nivelin e tensionit 0.4 kV. Paraqitja e kësaj fature do të bëhet brenda datës 10 të muajit pasardhës të livrimit të energjisë elektrike.”*

2.5 Neni 21, pika 2 ndryshon dhe bëhet: *“Palët kanë detyrimin të njoftojnë ERE-n lidhur me nënshkrimin e kësaj kontrate e cila hyn në fuqi pas miratimit nga Enti Rregullator i Energjisë.”*

2.6 Emërtimi i Aneksit 1 ndryshon dhe bëhet: *“Parashikimi i konsumit të kerkuar nga ana e FSHU për vitin 2023.”*

2.7 Emërtimi i tabelës bashkëlidhur Aneksit 1 ndryshon dhe bëhet: *“Me datë / / KESH sh.a. ka livruar/nominuar në sistemin për nominime të OST sh.a. energjinë”*

2.8 Në vijim të tabelës në Aneksin 1 togfjalëshi ndryshon dhe bëhet: *“Sasia totale e energjise e nominuar në sistemin e nominimeve të OST sh.a. dhe ALPEX”*

2.9 Emërtimi i Aneksit 2 ndryshon dhe bëhet: *“...KESH sh.a. dhe Furnizuesit të Shërbimit Universal (FSHU) sh.a., per periudhën kohore 01.01.2023-31.12.2023”.*

2.10 Neni 2, pika 4 e Aneksit 2, ndryshon dhe bëhet: *“Palët do të rakordojnë mes tyre sipas Shtojcës Nr. 1 pjesë e kësaj Kontrate.”*

3. Me mbarimin e efekteve juridike të kontratës së miratuar me këtë vendim, palët do të zbatojnë Kontratën Tip të miratuar me vendimin e bordit të ERE-s nr. 338, datë 21.12.2022, pa ndryshimet e miratuara në këtë vendim.
4. Kontrata e nënshkruar nga Palët me ndryshimet sipas pikës 2 në këtë vendim, të dërgohet në ERE brenda 5 ditëve nga marrja dijani e këtij vendimi.
5. Drejtoria Juridike dhe e Zgjidhjes së Mosmarrëveshjeve, të njoftojë shoqëritë, KESH sh.a., FSHU sh.a. dhe Ministrinë e Infrastrukturës dhe Energjisë për vendimin e bordit të ERE.

Ky vendim hyn në fuqi menjëherë.

Çdo palë e përfshirë në këtë procedurë mund t'i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI
Petrit AHMETI

Nr. 3165/B prot., datë 17.10.2023Nr. 7127 prot., datë 17.10.2023

KONTRATË TIP PËR SHITBLERJEN E ENERGJISË ELEKTRIKE NDËRMJET SHOQËRISË SË PRODHIMIT TË ENERGJISË ELEKTRIKE TË NGARKUAR ME DETYRIMIN E SHËRBIMIT PUBLIK, AKSIONET E SË CILËS KONTROLLOHEN PLOTËSISHT OSE PJESËRISHT NGA SHTETI, KESH SH.A. DHE FURNIZUESIT TË SHËRBIMIT UNIVERSAL (FSHU) SH.A., PËR FURNIZIMIN E KLIENTËVE UNIVERSALË PËR PERIU DHËN KOHORE

01.01.2023 – 31.12.2023**E lidhur sot më datë ____ . ____ . ____ ndërmjet:**

Shoqërisë “Korporata Elektroenergjitike Shqiptare” (KESH) SH.A., me objekt aktiviteti “Prodhimi i energjisë elektrike”, shoqëri e ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, e përfaqësuar nga Z. Ergys VERDHO, Administrator i Shoqërisë që më poshtë do të quhet “Shitësi”,

dhe

Shoqërisë “Furnizuesi i Shërbimit Universal” (FSHU) SH.A., me objekt aktiviteti në: Furnizimin me energji elektrike të klientëve universalë të përcaktuar nga legjislacioni në fuqi, ofrimin dhe sigurimin e cilësisë tregtare të shërbimit, si dhe çdo aktivitet tjetër fitimprurës me interes për shoqërinë”, përfaqësuar nga Z. Elton SEVRANI, Administrator i shoqërisë, që më poshtë do të quhet “Blerësi”

(të cilët do të referohen veç si më sipër së bashku si “Palët” dhe me vete si “Pala”)

Baza ligjore:

- Ligji Nr. 43/2015 “Për Sektorin e Energjisë Elektrike”, i ndryshuar, neni 20 gërma h) e
- Vendimi Nr. 456, datë 29.06.2022 i Këshillit të Ministrave “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”,
- Vendimi i Këshillit të Ministrave Nr. 519, datë 13.7.2016 “Për Miratimin e Modelit të Tregut të Energjisë Elektrike”, i ndryshuar;
- Vendimi Nr. 584, datë 08.10.2021 i Këshillit të Ministrave “Për shpalljen e gjendjes së emergjencës në furnizimin me energji elektrike”, i ndryshuar me VKM-në Nr. 650, datë 10.10.2022 dhe VKM-në Nr. 449, datë 26.07.2023;
- Vendimi nr. 23, datë 25.03.2009 i Bordit të Komisionerëve të Entit Rregullator të Energjisë “Mbi rinovimin e licencave në aktivitetin e prodhimit dhe tregtimit të energjisë elektrike shoqërisë KESH SH.A.” i ndryshuar;

- Vendimi Nr. 215, datë 11.10.2018 i Bordit të Komisionerëve të Entit Rregullator të Energjisë “Mbi transferimin e licencës së furnizimit energjisë elektrike me nr. 251 me seri P14FPP miratuar me Vendimin e Bordit të ERE-s nr. 97, datë 27.10.2014, e vlefshme deri më datë 27.10.2019 dhe detyrimin të shërbimit universal të furnizimit të energjisë elektrike, të shoqërisë Operatori i Shpërndarjes së Energjisë Elektrike sh.a. (OSHEE SH.A.) miratuar me vendimin e Bordit të ERE Nr. 112, datë 08.07.2016 tek shoqëria Furnizuesi i Shërbimit Universal Sh.A.(FSHU SH.A.) i ndryshuar.
- Vendimi Nr. 164, datë 04.11.2019 i Bordit të Komisionerëve të Entit Rregullator të Energjisë “Mbi rinovimin e licencës së shoqërisë Furnizuesi i Shërbimit Universal Sh.A (FSHU SH.A) në veprimtarinë e furnizimit të energjisë elektrike.”;
- Vendimi i Bordit të Entit Rregullator të Energjisë Nr. 347, datë 27.12.2022 “Për miratimin e Rregullave të Tregut të Energjisë Elektrike (Rregullat e ALPEX, Përkufizimet, Procedura e Tregtimit dhe e Klerimit dhe e Shlyerjes);
- Urdhër Nr. 50, datë 07.04.2023 i Ministrit përgjegjës për Energjinë “Për një ndryshim në urdhërin Nr. 28, datë 18.01.2021 “Për miratimin e udhërrëfyesit për hapjen e tregut dhe derregullimin e çmimit të energjisë elektrike”;
- Vendimi i Ministrit përgjegjës për Energjinë Nr. 10253/1 Prot., datë 04.01.2023 (në cilësinë e përfaqësuesit të shtetit si pronar i aksioneve të subjektit prodhues i ngarkuar me detyrimin e shërbimit publik) i Asamblesë së Përgjithshme të Shoqërisë për miratimin e çmimit të shitjes së energjisë elektrike për qëllime të furnizimit të Furnizuesit të Shërbimit Universal për vitin 2023.

Në kushtet kur:

- Furnizuesi i Shërbimit Universal (FSHU) SH.A., në aktivitetin e licencuar të furnizuesit është ngarkuar me detyrimin e Shërbimit Universal të Furnizimit me energji elektrike për kategorinë e klientëve universalë që përfitojnë nga Shërbimi Universal i Furnizimit me energji elektrike, në përputhje me parashikimet e pikës 1, të nenit 109, të Ligjit nr.43/2015 “Për sektorin e energjisë elektrike”, i ndryshuar, Vendimit nr. 449, datë 15.06.2016, të Këshillit të Ministrave “Për miratimin e kushteve dhe procedurave për përcaktimin e furnizuesit të mundësisë së fundit të energjisë elektrike dhe vendimit Nr. 112, datë 08.07.2016 të Bordit të ERE “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”;
- Furnizuesit të Shërbimit Universal i është vendosur detyrimi i shërbimit publik për të blerë sasinë e nevojshme të energjisë elektrike, të prodhuar nga shoqëria e prodhimit të energjisë elektrike, aksionet e së cilës kontrollohen plotësisht ose pjesërisht nga shteti;
- Shoqëria e prodhimit të energjisë elektrike, aksionet e së cilës kontrollohen plotësisht ose pjesërisht nga shteti në zbatim të Vendimit të Këshillit të Ministrave Nr. 456, datë 29.06.2022, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike” është e detyruar të furnizojë Furnizuesin e Shërbimit Universal me të gjithë sasinë e nevojshme të energjisë, për qëllime të plotësisht të kërkesës së plotë të Furnizuesit të Shërbimit Universal.

- Me fillimin e aktivitetit të Bursës Shqiptare të Energjisë (ALPEX), më datë 12.04.2023, marrëdhëniet mes palëve për sasinë e energjisë që do të tregtohet në ALPEX, do të rregullohen bazuar në parashikimet e pikës 3 të Vendimit të Këshillit të Ministrave Nr. 519, datë 13.07.2016, “Për miratimin e modelit të tregut të energjisë elektrike” i ndryshuar.
- Në kushtet kur likuiditeti i bursës së energjisë dhe shoqërive publike të ngarkuara me detyrim për shërbim publik duhet të përmirësohet dhe maturohet, palët kanë dakordësuar që të qarkullojnë nëpërmjet Bursës Shqiptare të energjisë, flukset e energjisë që destinohen nga FSHU sh.a. për funksionin e Furnizuesit të Mundësisë së Fundit (FMF).
- Në dispozitat kalimtare të Vendimit të Këshillit të Ministrave Nr. 456, datë 29.06.2022, parashikohet që kushtet e parashikuara në këtë VKM do të shërbejnë si model i përkohshëm për funksionimin e tregut të energjisë elektrike, deri në bërjen funksionale dhe likuide të bursës së energjisë. Çmimi për njësi i energjisë elektrike, për qëllime të përmbushjes së detyrimit për shërbim publik përkundrejt Furnizuesit të Shërbimit Universal, është miratuar nga Asambleja e Përgjithshme e Shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti
- Ministri përgjegjës për energjinë (në cilësinë e përfaqësuesit të shtetit si pronar i aksioneve të shoqërisë së prodhimit të ngarkuar me detyrimin e shërbimit publik aksionet e së cilit kontrollohen plotësisht ose pjesërisht nga shteti në Asamblenë e Përgjithshme të Shoqërisë) me vendimin Nr. 10253/1 Prot., datë 04.01.2023 ka miratuar çmimin e shitjes së energjisë elektrike për qëllime të furnizimit të Furnizuesit të Shërbimit Universal në kuadër të detyrimit për shërbim publik nga shoqëria e prodhimit aksionet e së cilit kontrollohen plotësisht ose pjesërisht nga shteti.

Palët bien dakord lidhur me përmbajtjen e kontratës së shit-blerjes së energjisë elektrike në kuadër të përmbushjes së detyrimit për shërbim publik si më poshtë vijon:

NENI 1

QËLLIMI I KONTRATËS

Kjo Kontratë (së bashku me Shtojcat apo anekset e saj) rregullon të gjithë marrëdhënien e shitjes dhe blerjes së energjisë elektrike ndërmjet Palëve për plotësimin e kërkesës së Blerësit për periudhën kohore 1 Janar - 31 Dhjetor.

NENI 2

SASIA E KONTRAKTUAR DHE ÇMIMI I SHITJES

1. Sasia e kontraktuar, nominuar për vitin, që Shitësi është i detyruar të furnizojë Blerësin, është e gjithë sasia e nevojshme për plotësimin e kërkesës së plotë të Blerësit, kjo referuar programeve mujore/javore/ditore/day ahead/intra-day sipas parashikimeve të nenit 4 dhe 5 të kësaj kontrate.
2. Energjia e cila ka për destinacion përdorimi furnizimin e Klientëve Universal të lidhur në rrjetin e shpërndarjes në nivelet e tensionit 6/10/20 KV, nën shërbimin e FMF, tregtohet mes palëve nëpërmjet Bursës Shqiptare të Energjisë.
3. Çmimi i shitjes së energjisë elektrike për vitin 2023 është ai i miratuar me Vendimin e Asamblesë së Përgjithshme të Shitësit Nr. 10253/1 Prot., datë 04.01.2023.

4. Për Energjinë e furnizuar për realizimin e shërbimit të Furnizuesit të Mundësisë së Fundit, palët rregullojnë marrëdhëniet tregtare sipas aneksit II që i bashkëlidhet kësaj kontrate “Për rregullimet financiare të marrëdhënies së shitblerjes e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik , aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal (FSHU) sh.a.”.

NENI 3

PËRKUFIZIMET

1. **Referencat në Kohë:** Referencat e kohës do të jenë sipas Kohës Qendrore Evropiane (CET).
2. **Përputhja me Aktet nënligjore dhe Rregullat e Tregut:** Kjo Kontratë hartohet në përputhje me parashikimet e akteve ligjore dhe nënligjore në sektorin e energjisë elektrike. Në rast se ndonjë parashikim në këtë Kontratë bie në kundërshtim me ndonjë parashikim në aktet ligjore dhe rregullatore në fuqi, atëherë, ky parashikim në kontratë konsiderohet i pavlefshëm/pazbatueshëm dhe marrëdhënia rregullohet sipas parashikimeve të aktit në fuqi.
3. **Sasia e kontraktuar** – sasia totale e energjisë referuar programeve mujore/ javore/ditore/intra-day të “FSHU” SH.A. për klientët universalë objekt i kësaj kontrate.
4. **Aneksi Nr. 1** – informacion paraprak parashikues për sasi të e plota vjetore të “FSHU” SH.A.
5. **Aneksi Nr. 2** -Për rregullimet financiare të marrëdhënies së shitblerjes e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik , aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal (FSHU) sh.a.
6. **Çmimi i kontratës:** Çmimi i përcaktuar sipas parashikimeve të VKM 456/2022.
7. **"Dita e Punës"** do të thotë një ditë (përveç së shtunës dhe së dielës) në të cilën bankat komerciale janë të hapura për biznes të përgjithshëm në vendet ku secila Palë ka zyrën e saj të regjistruar;
8. **"Përgjegjësia për Balancimin"** shitësi dhe blerësi janë përgjegjës për të balancuar pozicionin e tyre në tregun e energjisë
9. **"Koha Qendrore Evropiane"** ose **"CET"** do të thotë Koha Qendrore Evropiane dhe do të përfshijë Kohën Dimërore Qendrore Evropiane dhe Kohën Verore Qendrore Evropiane sipas zbatimit;
10. **"Kapaciteti i Kontratës "** lidhur me një Kontratë Individuale do të thotë, kapaciteti i vendosur mesPalëve, i shprehur në MW;
11. **"Dëmet"** ka kuptimin e specifikuar në nenin 13. (**Kufizimi i Përgjegjësisë Financiare**)
12. **"Pala që nuk përmbush detyrimet"** ka kuptimin e specifikuar në nenin 11 (**Pezullimi i Livrimit**);
13. **"Filial"** lidhur me një Palë do të thotë një Njësi e Kontrolluar, direkt ose indirekt, nga ajo Palë, çdo Njësi që Kontrollon direkt ose indirekt atë Palë ose çdo Njësi direkt ose indirekt nën Kontrollin e përbashkët të një Pale
14. **"Pika e Livrimit"** lidhur me një Kontratë Individuale do të thotë pika e livrimit e vendosur mes Palëve;
15. **"Programi i Livrimit"** lidhur me një Kontratë Individuale do të thotë programi i livrimit i vendosur mes Palëve për ditën në avance sipas rregullave përkatëse;
16. **"Data e Pagesës"** ka kuptimin e specifikuar në nenin 14 (**Faturimi dhe Pagesa**)
17. **"Data e Hyrjes në Fuqi"** ka kuptimin e vendosur në faqen e parë të kësaj Kontrate;

18. "**Programi**" ka kuptimin e specifikuar në nenin 6, pika 3 dhe 7.2 (**Përkufizimi i Programit**) dhe "**I Programuar**" dhe "**Programimi**" do të interpretohen sipas kësaj;
19. "**Taksë**" do të thotë çdo taksë e tanishme ose e ardhshme, kuotë, taksë importi, detyrim, pagesë, vlerësim ose tarifë e çdo natyre (përfshirë interesin, gjobat dhe shtesat e tyre) që vendoset nga çdo qeveri ose autoritet tjetër taksash (për përfitimin ose jo të tij) lidhur me çdo pagesë sipas Kontratës përveç taksës së vulës, regjistrimit, dokumentacionit ose ndonjë taksë të ngjashme;
20. Çdo term tjetër i përdorur në këtë kontratë do të lexohet në kuptimin e dhënë në legjislacionin në fuqi.

NENI 4

TË DREJTAT DHE DETYRIMET E BLERËSIT

1. Blerësi, bazuar në kërkesën vjetore për energji, Aneksi Nr. 1 i kësaj kontrate, dhe në trendin e ngarkesës do t'i paraqesë Shitësit programin vjetor të ndarë me bazë mujore të ngarkesës së klientëve universalë, në përputhje me parashikimet e akteve rregullatore në sektorin e energjisë elektrike .
2. Blerësi jo më vonë se 7 ditë kalendrike përpara fillimit të muajit të furnizimit do t'i dërgojë Shitësit gjithë të dhënat që lidhen me parashikimin e ngarkesës për muajin pasardhës me bazë ditore dhe orare të ngarkesës.
3. Blerësi jo më vonë se dita e enjte e çdo jave do ti dërgojë Shitësit të dhënat që lidhen me ngarkesën e klientëve universalë për sasinë e javës në avancë me bazë ditore/orare.
4. Blerësi brenda orës 12:00 të çdo dite do ti dërgojë Shitësit programin e ditës në avancë me bazë orare të ngarkesës sipas afateve të përcaktuara në Rregullat e Tregun Shqiptar të Balancimit.
5. Blerësi, brenda orës 15:00 do t'i dërgojë Shitësit përditësim të kërkesës për furnizimin e klientëve fundore për ditën D+2, me bazë orare me qëllim garantimin e furnizimit të plotë për periudhën vijuese.
6. Blerësi pas mbylljes së bilancit energjetik, por jo më vonë se data 10 e muajit duhet t'i dërgojë Shitësit informacionin mbi sasinë e energjisë së faturuar dhe informacione të tjera për qëllim të përmbushjes së detyrimeve të kësaj kontrate.
7. Blerësi i dërgon shitësit të dhënat lidhur me furnizimin e energjisë për FMF sipas parashikimeve të Aneksit II.

NENI 5

TË DREJTAT DHE DETYRIMET E SHITËSIT

1. Shitësi bazuar në programet mujore/javore/ditore në day-ahead dhe intra-day do të sigurojë përmbushjen e kërkesës së Blerësit.
2. Shitësi kompenson blerësin për çmimin e energjisë elektrike sipas parashikimeve të Aneksit II të kësaj kontrate.

NENI 6

DETYRIMET KRYESORE PËR FURNIZIMIN ME ENERGJI ELEKTRIKE

1. **Përgjegjësia për balancimin e energjisë:** Shitësi dhe blerësi janë subjekte të rregullave në fuqi për balancimin dhe për rrjedhojë përgjegjës për balancimin e energjisë elektrike përkundrejt OST (deri sa nuk kanë një marrëveshje që rregullon përgjegjësinë e balancimit me të tretët).

2. **Nominimi (Livrimi dhe Pranimi):** Shitësi dhe blerësi do të nominojnë në Platformën e OST për nominimet. Bazuar në konfirmimet e bëra paraprakisht, çka përbën konfirmimin për livrimin (Shitësi) dhe pranimin (Blerësi) e energjisë elektrike objekt i kësaj kontrate. Sasia e programuar nga palët në sistemin NOVITA të OST është sasia kontraktuale për të cilën Blerësi do të paguajë Shitësit me çmimin e përcaktuar në nenin 2 të Kontratës.
3. **"Program"** sipas zbatimit, do të thotë veprimet e nevojshme për një Palë për kryerjen e detyrimeve përkatëse të livrimit dhe pranimit, që përfshin programimin, njoftimin, kërkimin dhe konfirmimin me Palën tjetër, agjentët dhe përfaqësuesit e tyre të autorizuar përkatës apo me OST, Sasinë e Kontratës, Kapacitetin e Kontratës, Pikën e Livrimit, Programin e furnizimit, Periudhën Totale të Furnizimit, dhe çdo kusht tjetër të Kontratës sipas gjithë rregullave të zbatueshme dhe praktikave e procedurave të tjera të zakonshme industriale.

NENI 7

LIVRIMI, MATJA, TRANSMETIMI DHE RISKU

1. **Rryma/Frekuenca/Tensionet:** Energjia Elektrike do të livrohet me rrymën, frekuencën dhe tensionin e zbatueshëm në Pikën përkatëse të Livrimit sipas standarteve të parashikuara në Kodet dhe Rregullat ne fuqi.
2. **Programet e Deklaruara:** Sasia e Energjisë Elektrike që do të programohet dhe konfirmohet nga Shitësi për Blerësin, do t'i furnizohet këtij të fundit mbi baza vjetore, mujore, javore, ditore dhe orare në përputhje me Rregullat e Tregut të Energjisë Elektrike si dhe Kodet e Rrjetit. Nominimi fizik/programi i livrimit për ditën e nesërme duhet paraqitur në përputhje me Rregullat e Tregut dhe Kodet ne fuqi.
3. **Dokumentacioni i Livrimeve dhe Marrjeve në Dorëzim:** Bazuar në një kërkesë të arsyeshme, Palët:
 - do t'i sigurojnë njëra-tjetrës dokumentacionin që posedojnë ose do të kontrollojë paraqitjen e Programeve, sasive, livrimeve dhe pranimit të energjisë elektrike për qëllimet e përcaktimit të shkakut të çdo devijimi mes afateve të Kontratës Individuale dhe marrjeve aktuale në dorëzim të energjisë elektrike (referuar nominimit në Platformën e OST për nominimet).
4. **Risqet e Shitësit dhe Blerësit:** Shitësi do të marrë përsipër gjithë risqet dhe do të përgjigjet për çdo kosto apo pagesë të vendosur ose shoqëruese të Programimit, transmetimit dhe livrimit të sasisë së energjisë së parashikuar në Kontratë deri në Pikën e Livrimit. Blerësi do të marrë përsipër gjithë risqet dhe do të përgjigjet për çdo kosto ose pagesë të vendosur ose shoqëruese të programimit, pranimit dhe transmetimit të Sasisë së Kontratës në dhe nga Pika e Livrimit.
5. **Pikat e Livrimit:** Shitësi do ta livrojë energjinë elektrike në kufijtë e sistemit të transmetimit të OST, me kusht që të ekzistojnë matës në këto pika për të lejuar verifikimin e shumave dhe kohës së livrimeve.

NENI 8

MOS-PERFORMANCA PËR SHKAK TË FORCËS MADHORE

1. **Përkufizimi i Forcës Madhore:** Përveç se kur specifikohet ndryshe, "**Forcë Madhore**" për qëllimet e Kontratës do të thotë një ngjarje jashtë kontrollit të arsyeshëm të Palës që pretendon Forcën Madhore ("**Pala Pretenduese**"), siç përcaktohet në Ligjin nr. 43/2015 "Për Sektorin e Energjisë Elektrike", i ndryshuar, që nuk mund ta shmangte ose ta kapërcente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimit, për shkaqet e mëposhtme, por pa u kufizuar me to:
 - a) defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimit; ose

- b) pezullimi nga OST-ja përkatëse i livrimit, pranimit ose injorimit prej saj të detyrimeve të Palës Pretenduese lidhur me Programimin sipas Kontratës.
2. **Çlirimi nga Detyrimet e Livrimit dhe Pranimit:** Nëse një Palë pengohet plotësisht ose pjesërisht për shkak të Forcës Madhore, në kryerjen e detyrimeve të saj për livrim dhe pranim sipas një ose më shumë Kontratave dhe kjo Palë respekton kërkesat e pikës **8.3 (Njoftimi dhe Lehtësimi i Forcës Madhore)**, do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjeshtë pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet sipas pikës **8 (Zhdëmtimet për Paaftësinë për Livrim dhe Pranim)** nuk do t'i merret Palës Pretenduese lidhur me sasinë e pa livruara ose të pamarra.
 3. **Njoftimi dhe Lehtësimi i Forcës Madhore:** Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t'i sigurojë një vlerësim jo-detyrues mbi zgjatjen dhe kohëzgjatjen e pritshme të paaftësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimit të Forcës Madhore, do t'i sigurojë Palës tjetër përditësime të arsyeshme, kur dhe nëse disponohen, mbi zgjatjen dhe kohëzgjatjen e pritshme të paaftësisë performuese.
 4. **Efektet e Forcës Madhore mbi Palën Tjetër:** Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimit dhe pagesës. Në rast dhe në atë shkallë që Blerësi çlirohet nga detyrimet e pranimit për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.

NENI 9

RAKORDIMI I SASISE SE ENERGJISE TE LEVRUAR PER QELLIM TE FURNIZIMIT TE KLIENTEVE

1. Shitësi dhe Blerësi jo më vonë se data 10 e muajit do të rakordojnë sasinë energjisë elektrike që kanë shkuar për furnizimin e klientëve universalë, sasi e cila është energjia elektrike totale e nominuar në sistemin për nominime të OST SH.A. (NOVITA) dhe në Bursën Shqiptare të Energjisë ALPEX.
2. Me mbylljen e bilancit mujor të shoqërisë FSHU, jo më vonë se data 25 e muajit pasardhës, palët do të rakordojnë:
 - a) sasinë e energjisë elektrike që nuk ka patur destinacion furnizimin e klientëve universalë, por ka shkuar për mbulimin e humbjeve.
 - b) sasinë e energjisë elektrike të prodhuar nga prodhuesit me përparësi dhe e cila ka shkuar për FSHU. Kjo sasi, është sasia që rezulton pozitive nga diferenca mes shumatores së prodhimit nga burimet e rinovueshme të energjisë dhe blerjes në treg të parregulluar për mbulimin e humbjeve, me humbjet totale mujore në rrjetin e shpërndarjes sipas bilancit energjetik të Operatorit të Sistemit të Shpërndarjes dhe Furnizuesit të Tregut të Lirë.

Sasinë e energjisë elektrike të evidentuara sipas pikës a) dhe b) do të transferohet në marrëdhënien kontraktore KESH-FTL. Për efekt të kësaj kontrate Shitësi do të bëjë në fund të çdo 6 (gjashtë) mujori, një faturë sistemuese për FSHU. Pagesat sipas faturave sistemuese mes palëve do të bëhen brenda datës 30 Janar të vitit pasardhës.

- c) sasinë e energjisë elektrike që ka shkuar për furnizimin e klientëve, ndarë sipas destinacionit të shitjes së energjisë apo fashës së furnizimit, në referencë të pikës 6 të Nenit 3 të kësaj kontrate, konkretisht :
- i. klientët e furnizuar në TM 6/10/20 KV ;
 - ii. klientët – shoqëritë e UK në TM 6/10/20/35 KV ;
 - iii. klientët fundorë të lidhur me nivel tensioni 0,4 KV.
3. Për qëllim të zbatimit të kësaj kontrate dhe parashikimeve të nenit 9, palët do të menaxhojnë nëpërmjet marrëveshjes financiare pjesë e kësaj kontrate (Aneksi 2) sasinë e energjisë të cilat shiten për mbulimin e nevojës së klientëve në TM. Në cdo rast sasia e energjisë e nominuar në ALPEX për klientët që furnizohen në TM, do të jetë e tillë që të lejojë palët të rakordojnë në fund të muajit të livrimit sasinë reale me destinacion këta klientë.

NENI 10

MOS PERFORMANCE TË LËVRIMIT OSE PRANIMIT TË ENERGJISË ELEKTRIKE

1. **Rasti i mos-performancës ana e shitësit:** Në atë shkallë që Shitësi - Pala që ka detyrimin për livrimin e energjisë elektrike ("Pala Livruese") nuk i livron tërësisht ose pjesërisht sasinë e energjisë të përcaktuar/rakorduar për ditën në avance, intra-day, dhe kjo paaftësi nuk shfajësohet nga një ngjarje e Forcës Madhore ose nga mosperformanca e Palës tjetër, Pala Livruese do t'i paguajë Palës tjetër ("Pala Pranuese") një shumë si kompensim për atë sasinë të palëvruar me energji elektrike me koston e sigurimit të kësaj energjie.
2. **Rasti i mosrespektimit nga ana e blerësit:** Në rastin kur Blerësi ("Pala Pranuese") dështon të pranojë tërësisht ose pjesërisht sasinë e energjisë elektrike të rakorduar për ditën në avancë dhe kjo paaftësi nuk shfajësohet nga një ngjarje e Forcës Madhore ose nga mosperformanca e Palës tjetër, Pala pranuese do t'i paguajë Palës tjetër ("Pala Livruese") një shumë si kompensim për dëmtimet si kompensim për atë sasi të papranuar me energji elektrike me koston e sigurimit të kësaj energjie nga KESH.
3. **Shuma e pagueshme:** shumat e pagueshme sipas këtij neni do të faturohen dhe paguhen sipas Nenit 14 (Faturimi dhe pagesa).

NENI 11

PEZULLIMI I LIVRIMIT

Përveç të drejtave ose zhdëmtimeve të tjera të mundshme, nëse "Pala që nuk përmbush detyrimet" nuk paguan ndonjë pagesë të vendosur sipas Kontratës, ose sipas kushteve të garancive nëse do aplikohen nuk arrin ta sigurojë, apo zëvendësojë vlerën e kërkuar sipas Kontratës, Pala që përmbush detyrimet do të autorizohet jo më parë se tre (3) Ditë Pune pas dërgimit të një njoftimi me shkrim Palës që nuk përmbush detyrimet, që të pushojë livrimet e mëtejshme të energjisë elektrike dhe të çlirohet (jo thjesht të pezullohet) nga detyrimet kryesore të livrimit sipas gjithë Kontratave specifike deri kur Pala që përmbush detyrimet të ketë marrë kolateralin e kërkuar ose pagesën e plotë (përfshirë gjithë interesat e mospagimit dhe shpenzimet e tjera) të gjithë shumave të papaguara që i detyrohen palës që përmbush detyrimet. Pezullimi i livrimeve, apo çlirimeve të detyrimeve të tjera të livrimit, nga Palët mund të bëhet vetëm me miratimin e ERE.

NENI 12

KOHËZGJATJA

Kontrata është e vlefshme për periudhën 1 Janar-31 Dhjetor të vitit 2023.

NENI 13**KUFIZIMI I PËRGJEGJËSISË FINANCIARE**

1. **Përrjashtimi i Përgjegjësisë Financiare:** Subjekt i pikave 13.2 dhe 13.3 dhe përveç kur lidhet me shumatat e pagueshme sipas nenit 8 (**Zhdëmtimet**), një Palë dhe punonjësit e saj, zyrtarët, nuk kanë përgjegjësi financiare ndaj Palës tjetër për asnjë humbje, kosto, shpenzim ose dëm ("**Dëmet**"), (përfshirë, pa kufizim, çdo përgjegjësi financiare për shkak të çrregullimeve në furnizimin me energji elektrike sipas një Kontrate specifike) që pëson Pala tjetër sipas Marrëveshjes ose lidhur me të, përveç kur këto Dëme shkaktohen nga neglizhenca e madhe, mos pagesa e qëllimshme ose mashtrimi i një Pale ose punonjësve, zyrtarëve, përdorur nga kjo Palë për kryerjen e detyrimeve të saj sipas Kontratës.
2. **Dëmi Pasues dhe Kufizimi i Përgjegjësisë Financiare:** Subjekt i pikës 13.3, përgjegjësia ligjore e një Pale sipas Kontratës ose lidhur me të:
 - (a) nuk përfshin përgjegjësinë financiare për Dëme indirekte dhe/ose pasuese, përfshirë, pa u kufizuar, humbjen e fitimit, klientelës, mundësive për biznes ose kursimeve të parashikuara; dhe
 - (b) kufizohet me një shumë të barabartë me shumatat e pagueshme për energjinë elektrike të furnizuar ose që do të furnizohet nga një Palë sipas çdo Kontrate specifike përkatëse me kusht që ky kufizim të mos zbatohet për pagesat sipas pikës 8 (**Zhdëmtimet për Paaftësinë për Livrim dhe Pranim**).
3. **Mos pagesa e Qëllimshme, Mashtrimi dhe të Drejtat Themelore:** Asgjë në Marrëveshje nuk vepron për të përjashtuar ose kufizuar përgjegjësinë ligjore të Palës për:
 - (a) mos pagesën e qëllimshme,
 - (b) mashtrimin; ose
 - (c) çdo veprim që rrezikon të drejtat ligjore themelore të një Pale ose që shkel detyrimet kontraktuale themelore të një Pale.
4. **Detyra për Lehtësimin e Humbjeve:** Për shmangien e dyshimit, dhe subjekti i Legjislacionit në Fuqi, çdo Palë bie dakord se ka për detyrë të lehtësojë Dëmet dhe premtion që do të përdorë përpjekje komercialisht të arsyeshme për minimizimin e çdo Dëmi që mund të pësojë sipas Kontratës ose lidhur me të.

NENI 14**FATURIMI DHE PAGESA**

1. **Faturimi:** Shitësi do t'i dorëzojë Blerësit një faturë elektronike sipas formatit dhe standardeve që parashikon legjislacioni në fuqi, e cila paraqet sasinë totale të Energjisë Elektrike të lëvruar nga shitësi të blerësi sipas parashikimeve të nenit 9 pika 1, në monedhën Lekë.
Për qëllime të zbatimit të pikës 3 të nenit 2 të kontratës, kur nga Asambleja e Aksionarëve të shoqërisë së prodhimit të energjisë elektrike aksionet e së cilës zotërohen nga shteti, përcaktohen çmime të shitjes së energjisë elektrike sipas destinacionit të përdorimit nga ana e shoqërisë së furnizimit (kategoria e klientit sipas nivelit të tensionit ku furnizohet dhe/ose fashës së konsumit mujor) do të aplikohen çmime të ndryshme shitjeje.
Sasinë e energjisë të nominuara në sistemin për nominime të OST sh.a. (NOVITA) do të faturohet me cmimin e përcaktuar për nivelin e tensionit 0.4 kv. Paraqitja e kësaj fature do të bëhet brenda datës 10 të muajit pasardhës të livrimit të energjisë elektrike.

2. Saktësimi i faturimit: Shitësi mbi bazën e të dhënave të rakorduara ndërmjet palëve sipas parashikimeve të nenit 9 duhet të korrektojë faturat e lëshuara sipas pikës 1 të këtij neni, duke lëshuar përkatësisht, në monedhën Lekë:

- a) faturë për energjinë faktike të livruar për klientët e ndryshëm nga klientët universalë në kategorinë Ujësjiellës Kanalizime cmimi i cili është miratuar dhe me Vendimin Nr. 16, datë 06.02.2023 të Entit Rregullator të Energjisë.
- b) një faturë saktësuese financiare referuar në energjinë faktike të livruar për klientët e furnizuar në TM 6/10/20 kV, sipas Nenit 9, shkronja (c), pika (i) dhe Aneksit II të kontratës (Nenit 2, pika 4), për energji të shitur në ALPEX, por të përdorur për furnizim për klientët në tension 0.4 kV.
- c) një faturë për energjinë faktike për klientët universalë për energji të faturuar mbi fashën me tarifë të rregulluar, nëse është aplikuar, dhe
- d) një faturë saktësuese për klientët në tension 0.4 KV për sasinë e energjisë që rezulton si diferencë midis sasisë totale të faturuar sipas pikës 1 të këtij neni me energjinë e faturuar sipas shkronjës (a) dhe (c) të kasaj pike.
- e) një faturë për periudhë livrimi të energjisë elektrike 6 (gjashtë) mujore, për sasinë e përcaktuar sipas germës b) të pikës 2, neni 9, e cila ka patur destinacion furnizimin e klientëve universalë.

Pagesa; Pagesa sipas faturës apo faturës së përditësuar, do të bëhet brenda 45 ditëve nga dita e fundit e livrimit, ose si palët mund të përcaktojnë në një marrëveshje. Data e pagesës do të konsiderohet data që nga llogaria e Blerësit preken fondet monetare.

Vonesa në kryerjen e pagesës: Nëse Blerësi dështon në kryerjen e pagesës brenda afatit të përcaktuar në këtë Kontratë, shpërblimi për dëmet e shkaktuara si rezultat i kësaj vonese, do të jetë sipas akteve ligjore dhe nënligjore në fuqi.

NENI 15

TAKSAT DHE TATIMET

Çdo çështje që lidhet me taksat dhe tatimet rregullohet në përputhje me legjislacionin respektiv për taksat dhe tatimet në Republikën e Shqipërisë.

NENI 16

TRANSFERIMI

1. **Ndalimi:** Asnjëra Palë nuk do të autorizohet që t'ia transferojë të drejtat dhe detyrimet e veta sipas Kontratës, një pale të tretë pa pëlqimin paraprak me shkrim të Palës tjetër, *i cili nuk do të vonohet, refuzohet ose pengohet në mënyrë të paarsyeshme. Çdo transferim i të drejtavë dhe detyrimeve bëhet efektiv pas miratimit nga Enti Rregullator i Energjisë (ERE).*
2. **Transferimi tek Filialet:** Çdo Palë do të autorizohet t'ia transferojë të drejtat dhe detyrimet e veta sipas Kontratës, pa pëlqimin paraprak me shkrim të Palës tjetër, një Filiali me aftësi paguese të njëjtë ose më të madhe. Ky transferim do të hyjë në fuqi vetëm pas marrjes së njoftimit nga Pala tjetër dhe miratimit të Entit Rregullator të Energjisë (ERE).

NENI 17

PËRFAQËSIMET DHE GARANCITË

Për të adresuar riskun e çdo Pale, përsa i përket mundësisë për përmbushjen e detyrimeve të palës tjetër, dhe për të siguruar përmbushjen e të gjithë detyrimeve që rezultojnë nga kjo Kontratë apo kontrata

specifike, Palët mund të dakortësojnë, më parë apo në çdo kohë pas hyrjes në fuqi, ose në kohën pas nënshkrimit të kontratave specifike, ekzistencën e mbështetjes me garanci kredie dhe Garantues sipas kushteve, të drejtave dhe detyrimeve të dakortësuara prej tyre.

NENI 18

PERSONAT E KONTAKTIT

Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me email ose faks:

Për Furnizuesit të Shërbimit Universal	Për KESH
Administratori i Kontratës	
Z.Elton KRISTO Adresa: Bulevandi “Gjergj Fishta”, Ndërtesa nr.88, Tiranë Tel: _____ Cel: 0694140324 E-mail: elton.kristo@fshu.al;	Znj. Rakela LLANAJ Adresa: Rr.”Viktor Eftimiu”, Blloku “Vasil Shanto”, Tiranë Tel.: _____ Cel: 0694033490 E-mail: llanajr@kesh.al;
Programimi	
Znj. Ermira STAKA Adresa: Bulevandi “Gjergj Fishta”, Ndërtesa nr.88, Tiranë Tël: _____ Cel: 0694147922 E-mail: ermira.staka@ftl.al;	Znj. Aurora BEGO Adresa: Rr.”Viktor Eftimiu”, Blloku “Vasil Shanto”, Tiranë Tel: _____ Mob: 0672135152 E-mail: begoa@kesh.al;
Back Office	
Znj. Ajga TOMINI Adresa: Bulevardi “Gjergj Fishta”, Ndërtesa nr.88, Tiranë Tel: _____ Cel: 0698461140 E-mail: ajga.tomini@fshu.al;	Z. Arben TASE Adresa: Rr.”Viktor Eftimiu”, Blloku “Vasil Shanto”, Tiranë Tel.: _____ Mob: 0697033335 E-mail: tasea@kesh.al;

NENI 19

LEGJISLACIONI NË FUQI DHE ZGJIDHJA E MOSMARRËVESHJEVE

- Legjislacioni në Fuqi:** Përveç kur specifikohet ndryshe, kjo Kontratë do të interpretohet dhe drejtohet nga legjislacioni në fuqi në Republikën e Shqipërisë.
- Zgjidhja e Mosmarrëveshjeve:** Nëse palët nuk arrijnë ta zgjidhin mosmarrëveshjen me mirëkuptim, çdo mosmarrëveshje që ngrihet lidhur me Kontratën do t'i referohet për zgjidhje ERE-s.

Sa më sipër nuk përjashton të drejtën e palëve për të adresuar nëpërmjet Gjykatës zgjidhjen e çdo mosmarrëveshjeje të krijuar në interpretim apo kuptim të kësaj kontrate.

NENI 20

TË NDRYSHME

- Njoftimet dhe Komunikimet:** Përveç kur parashikohet ose vendoset ndryshe nga Palët, gjithë njoftimet, deklaratat e dërguara nga një Palë tjetër duhet të jenë me shkrim (postë të shpejtë ose korrier). Çdo Palë mund ta ndryshojë informacionin e njoftimit me anë të një njoftimi me shkrim palës tjetër. Njoftimet me shkrim, deklaratat dhe faturat do të konsiderohen si të marra dhe efektive:
 - nëse shpërndahen dorazi Ditën e Punës, ose Ditën e parë të Punës pas datës së fundit të livrimit;
 - nëse dërgohen me postë, Ditën e 2^{te} të Punës pas datës së postimit, ose nëse dërgohen nga një shtet në tjetrin, në Ditën e 5^{te} të Punës pas datës së postimit;
 - nëse dërgohen me transmetim faksimile dhe prodhohet një raport i vlefshëm transmetimi që konfirmon marrjen, ditën e transmetimit nëse është transmetuar para orës 17.00 (me orën e marrësit) në Ditën e Punës ose në orën 09.00 (me orën e marrësit) në Ditën e parë të Punës pas transmetimit.
- Amendimet:** Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët, dhe hyn në fuqi vetëm pas miratimit nga ERE.
- Pavlefshmëria e Pjesshme:** Nëse, në çdo kohë, ndonjë dispozitë e kësaj Kontrate është ose bëhet e paligjshme, e pavlefshme ose e pazbatueshme, në çdo drejtim, sipas ligjit të çdo juridiksioni përkatës, ligjshmëria, vlefshmëria dhe zbatueshmëria e dispozitave të mbetura të kësaj Kontrate, nuk do të preken ose dëmtohen në ndonjë mënyrë. Në rast se legjislacioni në fuqi sjell ndryshime të dispozitave të kësaj kontrate, deri në miratimin nga ERE të këtyre ndryshimeve, legjislacioni i zbatueshëm do të prevalojë në kuptimin dhe interpretimin e këtyre dispozitave.

NENI 21

MIRATIMI I ERE-S, EFEKTET DHE ZGJIDHJA E PARAKOHSHME

- Kjo kontratë i shtrin efektet për periudhën 1 Janar - 31 Dhjetor për vitin 2023.
- Palët kanë detyrimin të njoftojnë ERE-n lidhur me nënshkrimin e kësaj kontrate.
- Kjo kontratë Tip mund të ndryshohet vetëm me miratimin e EREs.

NENI 22

Kjo kontratë nënshkruhet në 4 (katër) kopje të barazvlefshme, 2 (dy) për secilën palë.

“Korporata Elektroenergjitike Shqiptare” SH.A.


ADMINISTRATOR
KESH
TIRANË
ENERGJIA E SHQIPËRISË

“Furnizuesi i Shërbimit Universal” SH.A.


ADMINISTRATOR
FSHU sh.a

Shtojca 1: Programet e livrimit sipas Neneve 4 dhe 5 të kësaj kontrate

Shtojca 2: Sipas Nenit 19, të kësaj kontrate “Pëlqimet e nevojshme të zyrtarëve dhe punonjësve të Palëve për regjistrimet telefonike”

ANEKSI NR. 1

Parashikimi i konsumit të kërkuar nga ana e FSHU

Ndërmjet shoqërive:

Me datë ___/___/___, KESH sh.a. ka livruar/nonimuar në sistemin NOVITA energjinë elektrike sipas raportit të mëposhtëm:

Data/Ora	1	2	3	4	5	6	7	8	9	10	11	12	13	14	15	16	17	18	19	20	21	22	23	24	Totale		
01/ /2023																											
02/ /2023																											
03/ /2023																											
04/ /2023																											
05/ /2023																											
06/ /2023																											
07/ /2023																											
08/ /2023																											
09/ /2023																											
10/ /2023																											
11/ /2023																											
12/ /2023																											
13/ /2023																											
14/ /2023																											
15/ /2023																											
16/ /2023																											
17/ /2023																											
18/ /2023																											
19/ /2023																											
20/ /2023																											
21/ /2023																											
22/ /2023																											
23/ /2023																											
24/ /2023																											
25/ /2023																											
26/ /2023																											
27/ /2023																											
28/ /2023																											
29/ /2023																											
30/ /2023																											
31/ /2023																											

- Sasia totale e energjisë e nominuar në NOVITA dhe ALPEX

- Sasia e energjisë elektrike për efekt shkëmbimi/humbje _____

- Sasia e energjisë e nominuar nga FSHU SH.A. për:

- Klientët universalë _____
- Klientët e ndryshëm nga klientët universalë _____

Konfirmuar nga KESH:

(emer, mbiemer, firme)

Konfirmuar nga FSHU:

(emer, mbiemer, firme)

Nr. 3165/14 Prot., datë 17.10.2023Nr. 4127/1 Prot., datë 17.10.2023**ANEKSI II****PËR RREGULLIMET FINANCIARE TË MARRËDHËNIES SË SHITBLERJES TË ENERGJISË ELEKTRIKE NDËRMJET SHOQËRISË SË PRODHIMIT TË ENERGJISË ELEKTRIKE TË NGARKUAR ME DETYRIMIN E SHËRBIMIT PUBLIK, AKSIONET E SË CILËS KONTROLLOHEN PLOTËSISHT OSE PJESËRISHT NGA SHTETI, KESH SH.A. DHE FURNIZUESIT TË SHËRBIMIT UNIVERSAL (FSHU) SH.A., PËR PERIUDHËN KOHORE**

E lidhur sot më datë ____ . ____ . ____ ndërmjet:

Shoqërisë Korporata Elektroenergjitike Shqiptare (KESH) SH.A., me objekt aktiviteti “*Prodhimi i energjisë elektrike*”, shoqëri e ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, e përfaqësuar nga Z. Ergys Verdho, Administrator i Shoqërisë që më poshtë do të quhet “Shitësi”,

dhe

Furnizuesi i Shërbimit Universal (FSHU) SH.A., me objekt aktiviteti në: furnizimin me energji elektrike të klientëve universalë të përcaktuar nga legjislacioni në fuqi, ofrimin dhe sigurimin e cilësisë tregtare të shërbimit, si dhe çdo aktivitet tjetër fitimprurës me interes për shoqërinë, përfaqësuar nga Z. Elton Sevrani, Administrator i shoqërisë, që më poshtë do të quhet “Blerësi”

(të cilët do të referohen veç si më sipër së bashku si “Palët” dhe me vete si “Pala”)

Palët me vullnetin e tyre të lirë e të përbashkët bien dakord lidhur me përmbajtjen e këtij Aneksi të kontratës së shit-blerjes së energjisë elektrike, me qëllim rregullimin financiar të marrëdhënies së shitblerjes së energjisë elektrike në kuadër të përmbushjes së detyrimit për shërbimin publik për furnizimin e FSHU SH.A. të sasisë së energjisë që përdoret për përmbushjen e detyrimit të Furnizuesit të Mundësisë së Fundit, si më poshtë vijon:

NENI 1**Qëllimi**

1.1. Ky Aneks, si pjesë e kontratës Tip së shitblerjes së energjisë elektrike (së bashku me Shtojcat e saj) rregullon të gjithë marrëdhënien financiare të shitjes dhe blerjes së energjisë elektrike ndërmjet Palëve për plotësimin e kërkesës së Blerësit për energji për përmbushjen e detyrimit si Furnizues i Mundësisë së Fundit (FMF) për periudhën kohore 12.04.2023 – 31.12.2023.

Marrëdhënia e shitjes dhe e blerjes së energjisë fizike ndërmjet Palëve për plotësimin e kërkesës së Blerësit për energji për përmbushjen e rolit të Furnizuesit të Mundësisë së Fundit (FMF) do të realizohet nëpërmjet Bursës Shqiptare të Energjisë që më poshtë do të quhet “ALPEX”, në ditën në avancë.

NENI 2

Përkufizime

- 2.1 Sasia e kontraktuar:** është sasia totale e energjisë e kontraktuar mes palëve në ALPEX.
- 2.2 Çmimi i shitjes së energjisë fizike:** Është çmimi që do të rezultojë në bazë ditore nga shitblerja e energjisë në ALPEX.
- 2.3 Çmimi i rregulluar i energjisë elektrike:** Është çmimi i rregulluar i energjisë i miratuar sipas përcaktimeve të VKM Nr. 456/2022 nga Asambleja e Aksonereve të prodhuesit aksionet e së cilit zotërohen nga shteti.
- 2.4 Vlera e kompensimit:** Është vlera që do të rezultojë si diferencë e çmimit të shitjes në ALPEX dhe çmimit të rregulluar të shitjes, në bazë ditore, për sasi të qarkulluara të energjisë mes palëve. Palët do të rakordojnë mes tyre sipas Shtojcës Nr. 1 pjesë e këtij Aneksi.

NENI 3

Të drejtat dhe detyrimet e palëve

- 3.1** Para hapjes së portës së ofertimit në DAM/ ALPEX, Blerësi dhe Shitësi do të rakordojnë me njëri-tjetrin programin ditor të energjisë me bazë orare të parashikuar për nevojat e Klienteve të lidhur në nivelin e tensionit 6/10/20 KV. Në përputhje me dispozitat e akteve rregullatore në Sektorin e Energjisë Elektrike dhe parashikimeve të kontratës.
- 3.2** Palët do të paguajë njëra tjetrën për energjinë e qarkulluar sipas çmimeve që do të rezultojnë në ALPEX për ditën në avancë.
- 3.3** Shitësi bazuar në programet javore/ditore dhe përpara hapjes së portës, do të sigurojë përmbushjen e kërkesës së Blerësit, nëpërmjet ALPEX.
- 3.4** Shitësi do të kompensojë diferencën e çmimit mes çmimit të shitjes së energjisë për ditën në avancë në ALPEX dhe çmimit të rregulluar të energjisë, miratuar nga organet drejtuese sipas parashikimeve të VKM Nr. 456/2022.
- 3.5** Blerësi do të kompensojë diferencën e çmimit, mes çmimit të rregulluar të energjisë miratuar nga organet drejtuese sipas parashikimeve të VKM Nr. 456/2022 dhe çmimit të shitjes së energjisë për ditën në avancë në ALPEX.
- 3.6** Kompensimet nga Shitësi dhe nga Blerësi, do të bëhen në monedhën Euro. Konvertimi në Euro i çmimit sipas VKM Nr.456/2022, do të bëhet me kursin e këmbimit si në faturën nga ALPEX për të njejten datë livrimi.

NENI 4

Faturimi dhe pagesa

- 4.1 Fatura:** Të dyja palët pasi kanë kleruar sasi të energjisë në ALPEX në ankandin përkatës për cdo Njësi Kohore Tregtimi për ditë të caktuara të livrimi, do të bëjnë rregullimin nëpërmjet faturimit për diferencën midis çmimit klerues për Njësi Kohore të Tregut për këtë ditë të livrimi me çmimin e parashikuar në kontratë. Fatura do të jete ditore, me qëllim barazimet financiare të energjisë sipas pikës 6, të këtij neni dhe do të lëshohet nga pala e cila mban të drejtën e kompensimit. Fatura do të lëshohet në raportin e hartuar nga palët sipas pikës 2, të këtij neni. Paraqitja e kësaj fature do të bëhet në ditën D për cdo proces ankandi në DAM të ditës D-1, dhe kur kjo ditë është ditë pushimi dhe ose festë zyrtare, ditën e ardhshme më të parë të punës, për secilin proces ankandi të ditës D-1.

- 4.2 Raporti (Aneksit 1, pjese e kësaj kontrate):** Palët do të hartojnë një raport i cili pasqyron diferencat midis çmimit të DAM/ALPEX dhe çmimit të kontraktuar për sasitë e energjisë që shitësi i ka shitur blerësit gjatë një dite, sipas parashikimeve të kësaj kontrate. Ky raport do të shërbejë për lëshimine faturës sipas pikës 1, të këtij neni.
- 4.3 Paguesa:** Palët do të paguajnë vlerën e faturës sipas pikës 1 brenda ditës së nesërme të lëshimit të faturës dhe ekzekutimit të pagesës së faturës së shitjes së energjisë në ALPEX, në llogarinë bankare të dedikuar për transaksione e kryera në Bursë. Data e pagesës do të konsiderohet data kur fondet janë transferuar nga llogaria e blerësit.
- 4.4 Vonesa në kryerjen e pagesës:** Nëse pala nuk arrin të kryejë pagesën brenda afatit të përcaktuar në këtë Kontratë, penaliteti për dëmet e shkaktuara si pasojë e vonesës do të llogaritet në përputhje me ligjin nr.48/2014, “Për vonesat në detyrimet kontraktuale dhe tregtare”. (i ndryshuar).
- 4.5 Përkufizimi i Kontratës në treg:** Kjo Kontratë do të trajtohet si Kontratë OTC në DAM ALPEX, ku i jepet përparësi përputhjes së Urdhër Porosive të blerësit dhe shitësit. Si Blerësi ashtu edhe Shitësi do të krijojnë një portofol (të dedikuar për zbatimin e detyrimeve të OTC) në ALPEX DAM për të përmbushur vëllimet sipas kësaj Kontrate.
- 4.6 Barazimet financiare të energjisë elektrike:** ALPEX do të sigurojë shlyerjen e volumit të kontraktuar në ALPEX DAM, sipas Rregullave të Tregut. Nëse çmimi klerues për ato Njësi Kohore të Tregut në DAM është më i lartë se çmimi i kontratës, Shitësi do të kompensojë blerësin për diferencën midis çmimit klerues për ato Njësi Kohore të Tregut në DAM dhe çmimit të kontratës. Përkatësisht, nëse çmimi klerues për ato Njësi Kohore të Tregut në DAM është më i ulët se çmimi i kontratës, blerësi do të kompensojë shitësin për diferencën ndërmjet çmimit klerues për ato Njësi Kohore të Tregut në DAM dhe çmimit të kontratës.
- 4.7 Realizimi i Transaksioneve dhe Tregtimi:** Tregtimi i energjisë elektrike përfshin përputhjen e Urdhërporosive të blerjes dhe shitjes dhe do të bëhet sipas dispozitave të rregullave të tregut të ALPEX. Volumet që do të kërkojë Blerësi në përputhje me parashikimet e kësaj kontrate për një ditë të caktuar levrimi dhe për cdo njësi kohore tregu, do të ofertohen në Sistemin e Tregimit të Energjisë (ETSS) në përputhje me dispozitat Rregullave të ALPEX-it dhe procedurat, nëpërmjet portofolit të tij, ndërkohë shitësi duhet që po nëpërmjet portofolit të tij (të dedikuar për zbatimin e OTC) të ofertojë për të njëjtën ditë levrimi dhe të njëjtat volume për çdo Njësi Kohore Tregu.

NENI 5

Hyrja në fuqi

- 5.1** Ky Aneks kontrate nënshkruhet në 4 (katër) kopje të barazvlefshme, 2 (dy) për secilën palë.
- 5.2** Ky Aneks hyn në fuqi pas miratimit nga ERE dhe i shtrin efektet që nga data që i korespondon datës së levrimin të ankandit të parë DAM të zhvilluar nga Bursa Shqiptare e Energjisë.

“Korporata Elektroenergjitike
Shqiptare” SH.A.


ADMINISTRATOR



“Furnizuesi i Shërbimit Universal” SH.A.


ADMINISTRATOR

